

Sura - Diiret-Diibish Pan Takarda Kì-Naan - Good-Bad Mind Scriptures

Diiret Pan Takarda Kì-Naan - Good Mind Scriptures

Maak 5:15 Mo j`i pe Jesu dì, be mo naa gwar dì jí wuri kì-riin diibish mo si, wurii tong, kì-nlìr a lìlop, kì-wuri ndighìn dyen firi riret, be kiirmuut yaa mo.

Luk 8:35 Gurum mo pwat j`i mpee naa mbii dì ni kì-c`in. Mo j`i pe Jesu dì, be mo kat gwar dì jí riin diibish mo ndighìn wuri, mo kì-pwat. Wuri kì-tong caghat nshii kì-Jesu, kì-nlìr a lìlop, kì-wuri ndighìn dyen firi riret zak. Kiirmuut yaa mo.

Dak 17:11 Nyem Yahudi dì mon mBeriya, mo kì-dyen met nyem Yahudi dì mon nTasoloni, mpeedi mo lappo ni shi putughup mindong riret, kì-mo nkaa biliip po kì-Naan, koo puus diidang ye, mpeku mo naa dì nee, kyet po dì Pool wuri sat mo azeen wa?

Dak 20:19 Gyet wan c`in dak mu Daa ni, ba shi mee diyeepkáa kas, kì-wan kin shwaajeel des mpee c`in dak ni shiparci-shiparci, kì-mpee cip dì jí nyem Yahudi mo le mpee wan.

Rom 7:25 Amma wan pilang Naan, mpeedi ndighìn Jesu Kristi Daa funu, be wuri kì-put kì-wan. Mpeemini wan shikáa fina be pan dì ni ndighìn putughup fina, ni ribet ku wan seyil nNaan, amma ndighìn nan fina si, be shikbish dì ni ndighìn wan si, ni se koghorong nkaa wan.

Rom 8:6 Katdang gurum kì-mwaan a ndang pan mu mise mu gurum, be peekyes ni a muut dì ngaa-ngaa, amma katdang a Riin kì-Naan wurii tap, kì-pan mu gurum, be peekyes ni a seen diiso ngaa-ngaa kì-tongriyang zak.

Rom 8:27 Naan dì wuri man putughup kì-gurum mo jir, kì-wuri man pan kì-Riin firi. Riin kì-Naan, wurii dang pe Naan mpee nyem diibang mo, ntiit kì-dyen kì-Naan.

Rom 11:34 Ni a kaadi mo kì-ran ndighìn takarda kì-Naan si nee: "A we man pan kì-Naan ye? Koo a we mmak sat nwuri mbii dì wurin nc`in ye?

Rom 12:2 Taji wu mwaan ndighìn shiimwaan kì-nyem dì ny`iicinsi mo kas, amma wu yit ku Naan wuri cighìr kì-putughup fuu mo kin nding, mpeku wu dee dì a kaa nyemdiipoo mo si. Katdang wu c`in kisi, be wu man mbii dì Naan wurii ribet ku wu c`in dì ni a diiret, kì-dì ni a diigigam zak.

Rom 12:16 Wu tong riyang ashak kì-gurum mo jir, kì-taji wu diyeepkáa fuu kas, amma ni ret ku wu mwaan ashak kì-nyem dì mo sham kì-káa furu mo. Taji wu lesuk ne wun a nyemseen mo kas.

Rom 14:5 Mee gurum be wuri pan nee, mee puus ni des met kaghar puus mo, kì-mee gurum be wuri pan nee, puus ni mo a ntiit jir. Wu yit ku koo a weye wuri man pan dì ni ndighìn putughup firi.

Rom 15:6 Mpeku wun jir ashak shi putughup mindong, kì-shi doo diimindong, be wu kwoop Naan, dì wuri a puun kì-Daa funu Jesu Kristi dì.

1 Korinti 1:10 Dyemnaa mo, wan dang pe wun, ndighìn sum kì-Daa funu Jesu Kristi, nee, ni ret ku po fuu mo so ndangshak, mpeku taji mee bákshak yaghlan nnaar fuu kas. Amma ni ret ku wu dee a diimindong ndighìn pan fuu mo kì-ndighìn mbii dì wu ribet c`in mo.

1 Korinti 2:16 Kaadi mo kì-ten ran ndighìn takarda kì-Naan si nee: "A we kì-man

pan kì-Daa ye? Mpeku ngo minni beetpo dì ki-wuri ye? Amma mun, mu man pan mu Kristi, mpeedi mun kì-Riin firi ndighìn putughup funu mo."

2 Korinti 7:7 Ba a jì kì-Titus ni bejee dak kas, amma ashak kì-dì gyet wu c`in caa putughup firi, har wuri sat mmun nee, wu kyaghar mpee naa wan, kì-wuu naajeel fina, kì-ne, wun mbwoon fina zak. Po diisi ni mo sight le retnyit nwan des hakyeng.

2 Korinti 8:12 Katdang be mee gurum kì-putughup dii mu cín mbiizughum, be Naan nlap mbiizughum kì-ngo ni ntii kì-mbii dì ngo ni cín nNaan. Ba Naan wurin ntang a mbii dì ngo ni ndin nni kas. (1 Kronika 28:9)

2 Korinti 9:2 Mpeedi wan man sekiyeen fuu, har wan kì-canjagham shi wun ntoghom kì-nyem Masidoniya mo. Wan sat mmo nee, gyet doghontagham be Ekilisya din Akaya wura kì-ten dak sat mpee cín bam. Ribet fuu mpee cín mbiizughum dii wu cín ni balkwak ngurum mo des ndighìn mo zam.

2 Korinti 13:11 Peekyes kì-ni, dyemnaa mo, dang mukaat. Wu dak mise fuu mo. Wu killingpo fina mo. Wu lappo kì-shak, kì-wu tongriyang kì-shak zak. Naan di wuri a wal, kì-riyang, wurin ntong ashak kì-wun.

Afisus 4:23 Ni a ting ku putughup fuu mo kì-pan fuu mo dee a diipoo.

Filipi 2:2-5 be wu le ku retnyit fina ni gam, kì-pan fuu mo dee a diimindong kì-wal fuu ni dee a diimindong kì-putughup fuu mo dee a diimindong ndighìn mbii mo jir. 3 Taji wu c`in mee mbii mpee ribekáa koo diyeepkáa kas, amma wu sham kì-káa fuu mo. Wu cín diides nshak met nkáa fuu mo. 4 Taji memee fuu dee ntap aa mbii di mo a mukáa firi bejee dak kas, amma wu tap kì-mbii mu niyee fuu mo zak. 5 Wu yit ku mise fuu mo dee a kaa mise di Kristi wuri kì-ni.

Filipi 4:2 Wan kin satpo Yudiya, kì-wan kin satpo Sintiki nee. Ni ret ku mo tongriyang kì-shak, mpeedi mo weet mo a ndighìn Kristi.

Filipi 4:7 Riyang kì-Naan di ni met man mo jir, ni tap kì-putughup fuu mo kì-pan fuu mo, ndighìn Kristi Jesu. (Aizaya 26:3)

Kolosi 3:12 Taji wu mander nee, Naan wuri wal nwun zam, har wuri bilip wun, mpeku wu dee di a nyem firi mo. Ni a ting ku shiimwaan fuu mo ret, kaa jep kì-Naan mo si. Wu naajeel mu shak. Wu c`in mbii diiret nshak. Wu sham kì-kaa fuu mo. Wu c`in mbii mo ndighìn dyen, kì-zak, wu gung ndighìn mbii mo jir.

2 Tasoloni 2:2 taji pan fuu mo dee a diicicighìr koo ni daampee nwun kas. Mpeedi pak gurum moo sat nee, puus kì-Daa nii ten baaj`i. Koo di gurum mo satpo minni a ndighìn Riin, ne puus nii ten del, koo a shi liispo nee, mo aasi. Koo kaadì pak mo nkaa sat ni nee, jí mu ran po nwun, nkaa ni aasi ndighìn po di jí mu ran nwun si.

2 Timoti 1:7 Ba Naan wuri c`in a riin mu kii(muut mmun kas, amma a riin di ni cínbal kì-wal, mpeku mu tap di kì-káa funu mo.

Titus 2:6 A sat jepzìlang mo nee, ni ret ku mo yaasut.

Hiburu 8:10 A tuwoorpo shi toghom dii wan nc`in kì-Lu kì-Isreil ni ndiisi, ndighìn teer di mon ndung j`i. Daa wuri sat aasi. Wan nle Waar fina mo ndighìn pan furu mo, kì-wan nran Waar fina ni mo ndighìn putughup furu mo zak. Wan ndee a Naan furu, kì-mon ndee a nyem fina mo.

1 Pita 1:13 Mpeemini wu dak pan fuu mo, mpeku wu dar di bal-bal mpee c`in dak

kì-Naan. Wu tap kì-káa fuu mo riret, kì-wu leyit dì a nkaa diiret di Naan wurin ncín nwun parpuus dì Daa Jesu wurin mbaaj`i zak.

1 Pita 5:2 Wu naa nyem kì-Naan mo. Nyem dì wuri le mo nsar fuu, mpeku wu tap dì kì-mo. Wu tap kì-mo kaadì ngukiyeer tum wurii tap kì-tum fíri mo si, mpeku taji mee mbii tung mo kas. Taji wu c`in dak ni a kaadì mee gurum sat ne, ting wu c`in si kas. Amma wu c`in dak shi putughup mindong, kaadì gurum kì-fes cín káa fíri mpee c`in dak si. Wu lekáa fuu mo nkaa c`in dak diisi ni. Taji wu dee nleyit a nkaa shagal di gurum mon nkwat wun kas, mpeedi ni a mbii naashoop ku gurum dee, ntang shagal ndighìn dak kaa diisi si.

2 Pita 3:1 Wun dì wan wal nwun si mo, diisi ni a wasika diivul, dì wan kìn ran ni nwun. Ndighìn wasika diivul si ni mo, be wan kìn lepan nwun nkaa mbii diisi mo, dì wuu ten wu man mo, mpeku ni mii wun dì, ku wu so dì ndang Naan shi putughup diimindong.

Jemis 1:17 Mbii diiret mo, kì-dì azeen mo jir, moo tong a pe Naan j`i. Mbii diisi mo jir, a zughum dì moo pwat a pe Naan dì, dì wuri lepuus, kì-zar mo, kì-tar ndighìn dengnaan. Naan wuri shikáa fíri, ba wurii kyam sheedi kas, ku ni le ku mu dee dì nkoo kas. (Joob 23:13)

Sughun 17:9 "Manshii kì-mbii diisi ni, see, ngo dì wuri kì-seen mpee manshii kì-mbii mo. Káa kì-luwa diipovul ni mo, mo a dushuu mo povul, dì mat ni wuraa tong nkaa mo si. Kì-zak, mo a mbiikám, káa mishkaghram mo povul si.

Diibish Pan Takarda Kì-Naan - Bad Mind Scriptures

Maak 7:21 Mpeedi a ndighìn putughup kì-gurum, be pan diibish moo pwat a dì. Mbii mo kaa tang mat mo, kì-wat, kì-tukáa, kì-ngaa. (Ezekiyel 38:10)

Luk 12:29 "Mpeemini, taji wu ansuk mpee mbii dì nwun se, kì-mbii dì wun nshwaa kas. Taji wu leputughup fuu mo nkaa mbiise kì-mbii shwaa kas.

Dak 12:20 Herot wuri langtughup kì-nyem Taya mo, kì-nyem Sidon mo hakyeng. Amma mo bàlkáa furu mo ashak, mpeku mo so naa wuri dì. Mo shee tang ar dì mon nso naa Herot a pu Blastus dì, dì wuri a ngo diides nkaa tulu kì mishkaghram ni. Be mo so pu Herot dì, be mo dang pu wuri, ku mo kat tongriyang dì pu mishkaghram, mpeedi yil furu nii kat mbiise a mbut nyil kì mishkaghram ni.

Dak 14:2 Amma nyem Yahudi dì mo kwar cínzeen mpo ni, mo kar, kì-mo jwakshii nyem dì ba mo a nyem Yahudi mo kas, mpeku mo yaghal dì kì-po diibuu nkaa nyemso ndang Jesu mo.

Rom 1:28 Nyem diisi mo kwar man Naan, be Naan wuri yit mo dì mpeku mo mwaan ndang pan mu putughup furu diibish mo. Mpeemini, be moo c`in mbii diibish mo.

Rom 8:6,7 Katdang gurum kì-mwaan a ndang pan mu mise mu gurum, be peekyes ni a muut dì ngaa-ngaa, amma katdang a Riin kì-Naan wurii tap, kì-pan mu gurum, be peekyes ni a seen diiso ngaa-ngaa kì-tongriyang zak. 7 Katdang pan mu mise kì-gurum ni dee a koghorong nkaa wuri, be ngo miñi dee a shaarlek kì-Naan, mpeedi ba wuri mak c`in mbii dì Waar kì-Naan ni sat kas.

Rom 11:20 Ni azeen-nzeen, mo roghop mo kaa song tingpaat si, a mpeedi ba mo cínzeen kas. Wun dee di ndighin ting ni a mpeedi wu cínzeen. Mpeemini taji wu diyeepkáa kas, amma wu kiir Naan.

2 Korinti 10:5 Muu shirip po ki-nyem di moo j`i ki-mbii langkáa nkaa man ki-Naan, ki-zak, muu shirip koo a fwang mu roghop diidang ye di nii daam man Naan ngurum mo. Ki-muu le ku koo a pan ki-weye, be ni c`in dyen ki-Kristi di zak

2 Korinti 11:3 Amma wan kin kiir, taji ni yaghal dee a kaa gyet nw`oo num lif shi seen firi dii mu dung si kas. Taji mo yaghal num wun, ki-mo mer ki-pan fuu mo nkaa wal diiret, di wun ki-ni mpee Kristi kas.

Afisus 2:3 Gyet muu tong a kaa mo si, ndighin kyaghar mu nan funu mo. Ki-gyet muu c`in mbii di mu naa mo shang nnan funu mo, ki-pan mu putughup funu mo zak. Har ndighin tong funu, kaa kaghar gurum mo si, be jí muu ten mu dee a di munn nshwaajeel mpee tughup ki-Naan.

Afisus 4:17 Ndighin sum ki-Daa, be wan kin satpo wun shibal nee, taji wu sat a ntong kaa nyem di ba mo a nyem Yahudi mo kas si, di pan furu mo a diibuu.

Kolosi 1:21 Jí mmee nnaar, be wuu tong a jong-jong ki-Naan, ki-jí wun a shaarlek ki-Naan, mpee mbii diibish, di jí wuu c`in mo, ki-pan fuu diibish mo. (Sumpo 21:27; Ezekiyel 23:17)

Kolosi 2:18 Mpeemini, taji wu yit ku nyem di mo lesut a kaa nyemdiinan mo si, mo tokdiyeel diibish nwun kas. Nyem di mo sat nee, Naan ki-woo mbii mo nwudun zughum. Mo sat nee, wu sham ki-káa fuu mo, ki-zak, ne wu seyil nyemlop ki-Naan mo. Nyem mihi, moo roghop, koo di ba mo a mee mbii kas. Pan furu mo a mu yil diisi.

1 Tasoloni 5:14 Dyemnaa mo, muu dang pu wun, mpeku wu gwak nyemseer mo, di sar furu mon nfii. Wuu gang putughup nyem di moo kiirmuut mo, ki-wu bam nyem di ba moo bal kas, ki-wu gung ki-shak jir zak.

1 Timoti 6:5 Ki-beetshik shidaar-shidaar, nnaar ki-nyem di ba mo man zeen ni kas. Mo pan nee, so ndang Naan ni a mpeku gurum kat long mu yil diisi di.

2 Timoti 3:8 Kaadi gyet Jannes ki-Jambires mo kwar Mosis, ni aasi zak, be nyem diisi mo kwar zeen ni. Nyem di pan furu mo dee a diibish. Ba cínzeen furu ni azeen-nzeen kas.

Titus 1:15 Katdang putughup ki-gurum mo a diibang, be mbii mo jir, mon ndee a diibang pe nyem mihi mo di zak. Amma nyem di putughup furu mo a diibish ki-di ba mo ki-cínzeen kas, be ba mee mbii di ni a diibang pe mo di kas, mpeedi pan furu mo a diibish, ba mo man mbii diiret kas.

Hiburu 12:3 Wu c`in pan nkaa wuri, di gyet wuri gung ki-nyemshikbish di mo kwar wuri si mo. Mpeemini be, taji kwak fuu mo murap kas, ki-taji wu pwat ki-putughup fuu mo kas.

Jemis 1:8 Gwar mihi a ngupan mo vul-vul, ki-ba wurii dar a pee miindong kas, koo diben.